

Sjómenn.

Aðalfundur Sjómanna og vélstjórafélags Grindavíkur 2017 verður haldinn miðvikudaginn 27. desember kl. **18.00** á Sjómannastofunni Vör . Kvöldverður og léttar veitingar verða í boði félagsins að fundi loknum.

Að gefnu tilefni er öll áfengisneysla bönnuð á meðan á fundi stendur.

Dagskrá fundar.

1. Fundur settur
2. kosning fundarstjóra.
3. Skýrsla Stjórnar
4. Ársreikningar.
5. Umræður um úrsögn úr SSÍ og ASÍ
6. Önnur mál , kjaramál, orlofsmál .o.f.l

Jólaball

Sjómanna og Vélstjórafélag Grindavíkur ásamt Verkalýðsfélagi Grindavíkur og Grindavíkurbæ verður með hið árlega jólaball í **Gjánni** nýrri aðstöðu íþróttamannvirkja við Austurveg miðvikudaginn 27. desember milli kl 15:00 - 17:00

Hin eina sanna jólarödd , Helga Möller heldur uppi fjörinu með söng og leikjum Jólasveinar koma og syngja og dansa í kringum jólatréð með krökkunum.

Allir krakkar fá nammi og gos frá jólasveininum.

Heitt á könnunni og Skúffukökur í umsjón Kvenfélags Grindavíkur.



FRÉTTABRÉF SJÓMANNA OG VÉLSTJÓRAFÉLAGS GRINDAVÍKUR

Desember 2017

3Tölublað 6 Árgangur



SJÓMANNA- OG VÉLSTJÓRAFÉLAG GRINDAVÍKUR

ALLSHERJARATKVÆÐAGREIÐSLA

Allsherjaratkvæðagreiðsla fer fram í Sjómanna- og vélstjórafélagi Grindavíkur um úrsögn úr Alpýðusambandi Íslands og Sjómannasambandi Íslands. Atkvæðagreiðslan stendur yfir dagana 27. desember til og með 28. desember 2017 að báðum dögum meðtöldum. Kjörstaður er skrifstofa Sjómanna- og vélstjórafélagsins á Sjómannastofunni VÖR að Hafnargötu 9, 240 Grindavík. Kjörstaður er opin milli kl. 08:00-18:00 og aftur milli kl. 21:00-23:00 miðvikudaginn 27. desember 2017 og milli kl. 08:00-20:00 fimmtudaginn 28. desember 2017. Stjórnin.

Formanns pistill 2017

”

Ágætu félagar eins og allir vita var skrifað undir nýjan kjarasamning um miðjan febrúar á þessu ári.

Í honum eru bókanir sem fjalla á um á samningstímanum, einnig á að fara í heildarendurskoðun á kjarasamningi og gera hann einfaldari.

Sú vinna er hafin , er mér sagt en eins og oft áður er okkur í Sjómannna og Vélstjóra félagi Grindavíkur haldið frá þeirri vinnu. Einnig er rétt að taka fram að við erum ekki hafðir með í þeirri vinnu sem nú á sér stað.

Eftir allt sem gekk á í síðustu kjaraviðræðum virðumst við ekki mega koma að þeirri vinnu á vegum sjómannasambandsins né annari vinnu sem tengist kjaraviðræðum sambandsins.

Því ákvað stjórn félagsins að taka fyrir tillögur frá nokkrum félagsmönnum þess eðlis að leita úrsagnar úr Alþýðusambandi Íslands (ASÍ) og Sjómannasambandi Íslands (SSÍ).

Það er mín skoðun að SSÍ og ASÍ eru ekki á réttri leið, þar er bara ein skoðun, þeirra eigin skoðun.

Samböndin hafna rökræðum og þvinga menn á þeirra eigin skoðun.Svona vinnubrögð eru ólíðandi og urðu til þess að stjórn S.V.G finnur sig knúna til þess að fara í allsherjar atkvæðagreiðslu um úrsögn úr SSÍ og ASÍ.

Til þess að samþykkja úrsögn þarf 2/3 félagsmanna sem þátt taka í kosningu.

Það er von mín að þetta verði framfara skref fyrir félagið og mun félagið eflast ef af verður.

Hvet ég alla félagsmenn til þess að mæta á kjörstað á milli jóla og nýárs og greiða atkvæði um þessar tillögur.

Einnig óska ég félagsmönnum Sjómannna og Vélstjórafélags Grindavíkur og fjölskyldum þeirra gleðilegra jóla og farsældar á nýju ári .

Kveðja Einar Hannes Harðarson formaður S.V.G.

Sjómennt fyrir sjómenn

Sjómenn munið að sjómennt styrkir ýmiskonar nám og námskeið svo sem, meirapróf vinnuvélanámskeið og margv fleira,hámarks styrkur sem Sjómennt veitir til einstaklings er 75.000 á ári fyrir hvern félagsmann . Aldrei er þó greitt meira en sem nemur 75% af námskeiðskostnaði.þá er meiraprófið 100.000.-

Stjórn Sjómenntar ákvað að hækka hámark einstaklingsstyrkja úr 60þús. í 75.þús. Einnig samþykkt að hækka endurgreiðsluhlutfall tómstundastyrkja úr 50% af kostnaði í 75% af kostnaði vegna slíkra námskeiða. Hámark þessara styrkja er óbreytt eða kr. 20þús. og dregst jafnframt af heildarupphæð einstaklingsstyrks viðkomandi árs. Þá var samþykkt að taka upp reglu um uppsafnaðan rétt sem hljóðar á eftirfarandi hátt:

· Félagsmenn sem ekki hafa nýtt sér rétt sinn síðustu þrjú ár, eiga rétt á styrk allt að kr. 225.000.- fyrir eitt samfellt nám/námskeið skv. reglum sjóðsins. Ferðakostnaður vegna náms í þessum tilvikum getur að hámarki orðið kr. 70.000.- sem hluti af kostnaði náms/námskeiðs.

Samþykkt að ofantaldar breytingar taki gildi frá og og með 1. júlí 2016. Einnig að regla varðandi uppsafnaðan rétt verði endurskoðuð í lok árs 2016.

Sjómenn kynnið ykkur sjómennt.is

Frá stjórn S.V.G ; ítrekun frá stjórn Sjómannna og Vélstjórafélags Grindavíkur

Stjórn S.V.G. Ítrekar við félagsmenn að skrifa ekki undir ráðningarsamninga nema með fyrirvara um að þeir standist gildandi kjarasamninga

25% afsláttur af sjófatnaði hjá 66´N

Samkomulag hefur náðst milli SVG og Sjóklæðagerðarinnar um 25 % afslátt til félagsmanna , á það við um allann vinnufatnað. Framvísa þarf félagsskírteini , sem hægt er að prenta út af síðu svg.is/orlofsvefur þar sem félagsmaður fer á „síðan mín“ og prentar út skírteini eða tekur mynd á símann

Félagsmenn eru áminntir um að tikynna slys og önnur óhöpp til skipstjóra og sjá til þess að atvik verði færð í skipsdagbók. Það er á ábyrgð skipstjóra og útgerðar að tilkynna atvik til Tryggingastofnunar ríkisins.

Orlofssjóður:

Einungis er hægt að bóka hús á orlofsvef félagsins www.orlof.is/svg/.Af gefnu tilefni skal ítrekað við félagsmenn að þeir bóki og greiði sjálfir á orlofsvef félagsins. Á skrifstofu SVG geta félagsmenn keypt miða í Hvalfjarðagöng einnig er er hægt að nálgast kort í sundlaug Grindavíkur .

Ítrekun til félagsmanna ; gæludýr eru bönnuð í orlofshúsum félagsins, ströng viðurlög eru í gildi.

Umgengni er innri maður—göngum vel um orlofshús félagsins.

Sameiginleg yfirlýsing Sjómannafélags Íslands og Sjómannna- og vélstjórafélags Grindavíkur:

Að gefnu tilefni vilja Sjómannafélag Íslands og Sjómannna- og vélstjórafélag Grindavíkur beina því til íslenskra fiskimanna að ganga úr skugga um að vinnuveitendur standi skil á félagsgjöldum til þess félags sem viðkomandi kys.

Tilefni þessarar ábendingar er að upp hafa skotið kollinum tilvik þar sem sjómenn töldu sig greiðandi félagsmenn í einu félagi, en komið hafi síðan á daginn að samkvæmt launaseðlum hefði verið greitt í annað.

Sjómannafélag Íslands og Sjómannna- og vélstjórafélag Grindavíkur vekja athygli á því að öllum fiskimönnum er frjálst að velja sitt stéttarfélag, enda félagafrelsi bundið í lög.

Styrktar og Sjúkrasjóður :

Félagsmaður telst styrkhæfur eftir 6.mánaða iðgjaldagreiðslur , athugið að réttur flyst milli félaga ,að öðru leyti gildir 1.árs regla.

Reikningar sem eru eldri en 12 mánaða gamlir verða ekki greiddir.

Ef félagsmaður er að fá greitt annarstaðar þá á sá aðili ekki rétt á sjúkra/dagpeningum.

Félagsmaður skal skila löglegum reikningi með nafni sínu og kennitölu frá viðurkenndum þjónustuaðila.

Með löglegum reikningi er átt við að viðskiptin þurfa að vera við aðila sem selja þessa þjónustu og gefa út reikninga sem uppfylla öll skilyrði opinberra aðila.

Reglur og lög sjóðsins hafa verið uppfærð á vef félagsins **svg.is**